

Mirando bek riba 35 Aña di existencia di Museo Arkeologico Aruba

ORANJESTAD - Exactamente 35 aña pasa, riba e fecha di 20 di December 1981, un vision a bira realidad y a habri e Museo Arkeologico di Aruba na Zoutmanstraat 1 pa asina expone y presenta Aruba su herencia cultural arkeologico na publico. Esaki tabata algo grandi pa Aruba como tambe pa Caribe, pasobra Museo Arkeologico Aruba tabata un di e prome museonan arkeologico den e region aki.



Tanto publico local como e bishitante internacional por a disfruta di e coleccion creciente y informacion di nos antepasadonan dje ultimo 35 añanan, como tambe di un programacion publico amplio y diverso.

Cu hopi animo y ya pa hopi aña Museo a ofrece programanan educativo pa

scolnan, programanan recreativo den periodo di vacation, como tambe actividadnan diverso pa bishitantenan di tur edad y actividadnan enfoca specialmente riba famianan.

Alabes diferente investigacion científico cu resultadonan interesante a tuma

luga y hasta a cambia cierto parti di historia di nos antepasadonan. A forma diferente 'partnerships' cu institutonan local y internacional, cual colaboracionnan a eleva Museo na un nivel mas halto (den e ambito nacional como tambe internacional?). Na aña 2009 a logra un 'milestone' hopi

importante ora cu despues di hopi aña a concretisa un siguiente paso den nos vision y a habri Museo na e ubicacion nobo y historico situa na Schelpstraat 42, cu salanan di exposicion innovativo. Museo Arkeologico Aruba ta

felicita y gradici un y tur cu den transcurso di e añanan na un of otro forma a aporta y a sostene Museo.

Museo Arkeologico Aruba ta desea henter comunidad di Aruba un Bon Pasco y Feliz 2017!

